

# مجموعه آثار آیت الله العظمی

❀ ادبی و سیاسی رساله‌ها و اسبوعیه در ❀

۳۱ نجفی سنه

۱۱ ربیع الاول ۱۳۳۰

❀ پنجمین ❀

جزء و عدد : ۱۳۵

آمریقا ترقیاتندن :  
نوبورقده یئگی کتبخانه عمومی

آمریقالیلرک، ترقیات علییه واحتماعیه دائر برچوق خصوصاتده اوروپالیلری کجیدیکنی، هیئت اجتماعیه نلک معناً و ماده رفاهیت و سعادتتی تأمین ایدیه جک تجدیدات و تکاملاته خدمت ایدیه جک هیچ برفدا کارلقدن چکیمیه رک ترقیات حاضرده مدنییه نلک الڭ صوڭ ایجاباتی تطبیق ایلکده اولدقلری معلومدر . اوروپاده برچوق مؤسسات واردرکه ، وجوده کتیرلدکلری زمان ، بشقه یرلرده امثالی بولنمسمی اعتباریله بولندقلری مملکت ایچون بادی خیر و شرف عد ایدلدکلری حالده بالاخره مرور ایام ایله تجدیدات و اصلاحات تدریجیه تابع طوئلدقلرندن ، بوکون ملل سائرده وبالخاصه، متحده آمریقا ویا آلمانیا ایمپراطورانکی حیات دولیه نلک عهدجوانیسنده بولنان یئگی حکومتلرده او مؤسساته هر وجهله فائق شیلر وجوده کتیرلمکده در . بوقیلدن اولمق اوزره آمریقاده یکیدن یئگیه تأسیس ایدیلان کتبخانهلرده عمومک مطالعه به شوق و رغبتنی تزئید ویا تبعات و تدقیقاتی تسهیل یولنده ابراز اولنان تجدیدات کوسستریله بیایر . حال بوکه دیگر طرفدن ، الیوم دنیسانک عدد کتب اعتباریله الڭ بیوک کتبخانهلرندن معدود اولان پارس کتبخانه عمومیسنده، طالب مطالعه اولانلره توزیع کتب و سائر خصوصاتده مرعی اولان اصول وقاعده ، بلکه تاریخ تأسیسنده وضع ایدیلان اصولک عینیدر . و فرانسزلرک بوبایده ایجابات زمانیه موافق تجدیدات اجرایی خاطرلرندن بیله کچیمیه رک ( قدیم قدیمی اوزره ترک اولنور ) قاعده سنک حکمنه تمامیه رعایت ایلدکلرینه شبهه ایدیلهمز .

آمریقادا ایسه ، معارفک تعمیمی غدای روح انسانیت اولان مطالعه و تتبعک تشویق و تسهیلی خصوصسنده عقل و هنرک تصور و تخیل ایدیه بیله جکی هر درلو

تکاملات و ترقیات تطبیق ایدلمکده در . بوکا مثال اولمق اوزره نویورقده بوکره  
انشاسی اکیال ایدیلرک رسم کشادی اجرا اولنان کتبخانه عمومی کوستريله بیلور .  
بویکی کتبخانه عمومی ، دیگر اوچ کتبخانه نك توحیديله وجوده کلمش ،  
آرزو ایدنلر . خانه لرنده اوقومق اوزره کتاب عاره سی اصولی اتخاذا و طوغریدن  
طوغری به کتبخانه نك مطالعه سالونلرنده چالیشمق ایستیانلر ده کندلی  
خصوصی حجره اشتغاللرنده اولدینی گبی کمال سربستی ایله تبعاعده بولنه یلک  
ایچون لازم کلن کافه اسباب استراحت تأمین اولمشدر . ارباب مطالعه آرزو  
ایلدکلری تقدیرده هویتلرینی مثبت برورقینی کتبخانه مأمورین و مستخدمینه ارا  
ایک صورتيله ، فهرستلردن ایستدکلری کتابلرک اسم و نومرولرینی قید ایستدکن  
صکره طوغریدن طوغری به کتبخانه نك اقسام مختلفه سنه کیدرک بالذات کتابلری  
انتخاب ایتک . برکتابی آلوب دیگرینی براقق ، والحاصل تدقیقات و تبعاتلرینک  
ایجابانه کور . کتبخانه نك بتون کتابلرینی قاریشدرمق حقنی حائر درلر . ایستدکلری  
کتابلری مستخدمین واسطه سیه کتیرتمکی ترجیح ایدن ارباب مطالعه به کلنجه ،  
طلب ایلدکلری کتابلرک حاضر بولندینی کفیدلرینه کتبخانه نك بر محل مخصوصنده  
معلق طوران ضیادار نومرولر ایله اخبار اولنور . بوسورتله ارباب مطالعه ایچون  
برقاج دفعه یرندن قالفه رقی کتابک حاضر اولوب اولمدینی صورمق زحمتنی اختیاره  
حاجت یوقدر .

۴۰ و ۴۲ نجی جاده لر اوزرنده کاش بولنان بویکی کتبخانه موسیو ( قاره ر )  
نامنده بر فرانسر مهندسینک پلانلرینه توفیقاً انشا ایدلمشدر . کتبخانه بناسی ،  
سن کمال اربابی ، اطفال ، اعمال ، نسوان ایچون آیری آیری مطالعه سالونلرینی  
حاوی اولدینی گبی ، برکتاب عاره قلمنی ، کوچک محله کتبخانه لرینه کتاب سوتی  
قائی ، کتاب قاتلامه و تجلیدخانه اقسامنی ، فهرستلرک طبعی ایچون برده مطبعه یی  
محتوی بولمقده در . بنانک تحت الزمین اقسامنده ماکنه داره سی ، قالدور یفر  
داره سی و برده یگر می بیك لامبه نك اشعالمی ایچون الکتریک استحصالحانه سی  
بولمقده در . کتبخانه نك مختلف کوزلری یان یانه کتیريله جک اولور سه ( ۱۰۰ )

كيلومترولك برطوله بالغ اولور . كىتخانه تكميل اقسام ومشماتلانيه ۴۵ ميليون فرانغه مال اولمشدر .

### انكلىزلرك (ژول ورنى) ، (قارق روسسەل) ك وفاتى

انكلىزلرك برنوع ژول ورنى اطلاقه شايان اولان مشهور رومانچيلردن (قارلق روسسەل) مؤخرأ وفات ايلمشدر . (قارلق روسسەل) ك ژول ورنه وجه مشابىقى ، فرانسز حكايه نويس شېبرى كې فنى رومانلر يازيشندن دكل ، فقط بالخاصه دكز حياتنه ، دكز جيلكه دائر غايت مراق آور مناقب وسركذشتلر تحرير ايلسەندن ايلرى كلكەدەر . معلوم اولدينى اوزره ، (ژول ورن) ده ، رومانلرنده اكثرىتله فنى برمقصد واساس تعقيب ايتكله برابر ، ويردىكى معلومات فنيەنى مراق ولذتله مطالعه ايتديرەيتلك ايچون چوق دفعەلر برى وبجورى سياحت وسركذشتلرى حكايلرينه موضوع اتخاذا ايلمشدر . (قارلق روسسەل) آتاريله ، مملكتك حيات ماجرا پرورانيه مفتون كنجلر اوزرنده همان ژول ورنك فرانسز ارباب شېبانى اوزرنده اجرا ايتدىكى درجەلردە ، تاثير كوسترمشدر . ذاتاً بوانكلىز محررى ، بالذات كنجكەندە بك چوق سركذشتلر كچيرەمشدر . دها اون اوچ ياشەندە ايكن طائفە يماقلفنى يعنى (موجو) لق ايله بر تاجر سفينه سەنه انتساب ايتمش واورادە بك چوق سؤ معاملەيه هدف اولمشدر . سەنك ، قوتەنك فوقندە چاليشديرلش و بك فنا وغير كافي صورتدە اعاشە ايدلمشدر . ايشە (قارلق روسسەل) بو شرائط داخلدە هندستانى ، چينى ، ايتاليانى كزوب كورمەكە موفق اولمش ومملكتتە عودتەندە كميجىلكى ترك ايله اولاغزەتە جيلكه انتساب ايتمش ونهايت رومان تحريرينە باشلايەرق اكثر حكايه و آتارى بيوك بررغبته مظهر اولمشدر . قارلق روسسەلك كرك مشهوداتى ، كرك مطالعاتى بك چوق اولديغەند كنديسى هيچ بروقت حكايه ويامقاله موضوعى بولمەدە مشكلات چكەمزدى؛ نەوقت حزانە خاطرانە مراجعت ايتسە دائماً صحيفەلر طولديرەجق سرمايه بولمق كنديسى ايچون اسهل ايدى .

## فرانسه‌ده محبوسلره یابدیریلان صنایع

فرانسه حبسخانه‌لرنده یابدیریلان باشلیجه صنایع قوندره جیلق ، مطبعه جیلق ، دمیردن قاریوله و سائر موبیلیه ، عسکر یورغان و بطنایه‌لرینک نسجی ایله فورچه اعمالندن عبارتدر . ۱۹۰۹ سنه‌سی ظرفنده عمومی حبسخانه‌لرده مقداری (۲,۰۸۷,۵۸۹) بالغ اولان حبس کونندن (۱,۴۷۱,۹۳۹) کونی مارالذکر صنایعه حصر ایدلمش و بومدت ظرفنده محبوسلرک اعمالاندن (۱,۸۸۱,۳۶۶) فرانق حاصلات آلمشدر .

## صنایع و مسالك مختلفه‌نك حیات بشر اوزرنده‌کی تأثیراتی

مادموازل (روا) اسمنده ارباب تدقیقندن بر محرره مؤخرآ ، مسالك و صنایع مختلفه‌نك حیات بشر اوزرنده نه‌کی تأثیرات اجرا ایتدیکنه دائر تبعاتی حاوی بر اثر نشر ایتمشدر . بوائرک مندرجانه نظرآ ، اك زیاده طول حیات تأمین ایدن مسلك ، صنایع نفیسه ایش . فی الحقیقه مشهور رساملرک ترجمه حالی تدقیق ایدیلجه ارباب هنرک ، فورچه‌لریله لایموت بدایع تصویریه وجوده کتیرمك اقتدارینی حائر اولانلرک اك زیاده طول حیاته مظهر اولدقلری گوریلور . مثلاً رسام (پهروگن) ۷۸ یاشنده ، (آلبان) ۸۸ یاشنده ، فاتحک رسمی یامش اولان ایتالیان رسام شهری (بعلینی) ۸۹ یاشنده ، هنرور ابدی‌الاشتهار (میکل آنژ) ۹۲ یاشنده وفات ایتمشدر ، (لوتیتین) ایسه یوز یاشنه واصل اولدینی حالده بیله انفس آتاردن عد اولنه‌جق تابلور رسم ایتمکده دوام ایش ، (وان‌دیک) ۷۸ سنه یاشامش ، (فرانیچ هالس) ۸۶ نجی سال حیاتنده وفات ایتمشدر .

فرانسه‌ده (هوراس ورنه) ، (قورو) ، (غروز) ، (ناتیه) ، (لورون) ، (لارژییه) کی نامدار رساملرده هپ یتمش یاشنی کچیریلجه‌یه قدر بر حیات قالمشدر .

صنایع نفیسه و آثار هنرورانه اربابندن صکره اك زیاده سن شیخوخته واصل اولانلر ایسه ره‌بان گروهی ایله فیلسوفلر و ارباب علم و فن ایش .

عل العموم یوز یاشنه واصل اولانلره کلنجه صاحبه اثر . بو خصوصده برنجی  
 مرتبه نڭ بلغارستانه عائد اولدیغنی بیان ایدیور . چونکه بلغارستانده اثرک حین  
 تحریرنده یوز یاشنه کلش اولانلرک عددی ( ۳,۸۸۳ ) . بالغ اولمقده ایمش که  
 یوحسابجه هر یوز کشتی ده ( ۱ ) کشتینک یوز یاشنه واصل اولدینی آکلاشیلدیور .  
 آندن صکره صرهمسیله ملل آتیہ کلکده در : رومانی ( ۱,۰۷۴ ) . صربستان  
 ( ۵۷۳ ) . اسپانیا ( ۴۱۰ ) . فرانسه ( ۲۱۳ ) . ایتالیا ( ۱۹۷ ) . بعده صرهمسیله  
 آوستریا . انکلتره . روسیه . آلمانیا . نوروچ حکومتلری . یکدیگری تعقیب  
 ایلمکده در .

